



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-11-3-3144-18/21

Datum: 28.09.2021.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 27.09.2021.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**

o izboru najpovoljnijeg ponuđača

**I**

Najpovoljnija ponuda za robe u predmetu nabavke, "Nabavka IT opreme za potrebe partnerskih mjesnih zajednica u projektu „JUMZ UNDP”, za ponuđenu cijenu u iznosu bez PDV-a od 13.400,00KM (slovima: trinaesthiljadačetiristotine i 00/100 konvertibilnih maraka) odnosno sa PDV-om u iznosu od 15.678,00KM (slovima: petnaesthiljadašeststotinasedamdesetosam i 00/100 konvertibilnih maraka) je ponuda ponuđača R&S doo Sarajevo.

**II**

Ponuda je dostavljena u konkurentskom zahtjevu za dostavu ponuda koji je objavljen na Portalu javnih nabavki dana 25.08.2021.godine pod brojem: 375-7-1-170-3-53/21, kriterij za dodjelu ugovora je najniža cijena.

**III**

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Ponude ponuđača ELUR doo Kiseljak, INTER-COM doo Zenica, UNILAB doo Sarajevo, PRINTEX doo Sarajevo, AS COM doo Tešanj i IMTEC doo Sarajevo, odbacuju se kao formalno neispravne.

**V**

Za realizaciju Odluke zadužuju se Služba za društvene djelatnosti i investicije općine Tešanj.

**VI**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**VII**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke za robe "Nabavka IT opreme za potrebe partnerskih mjesnih zajednica u projektu „JUMZ UNDP” pokrenut je Odlukom o pokretanju postupka broj: 02-11-3-3144-2/21 od 18.08.2021.godine, u konkurentskom zahtjevu za dostavljanje ponuda. Nabavka je objavljena na

Portal javnih nabavki dana 25.08.2021.godine pod brojem: 375-7-1-170-3-53/21, kriterij za dodjelu ugovora je najniža cijena, procijenjena vrijednost javne nabavke je 15.600,00KM.

U ostavljenom roku za dostavu ponuda pristiglo je 9 (devet) ponuda i to: ponuda ponuđača ELUR doo Kiseljak, R&S doo Sarajevo, INTER-COM doo Zenica, UNILAB doo Sarajevo, PRINTEX doo Sarajevo, DIGITARIJA doo Sarajevo, KING doo Doboj, AS COM doo Tešanj i IMTEC doo Sarajevo.

Komisija za javne nabavke imenovana rješenjem Općinskog načelnika broj: 02-11-3-3144-5/21 od 09.09.2021. godine izvršila je dana 15.09.2021.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 (tri) ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Kako je tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude, te je ugovorni organ E-aukcija za dan 23.09.2021.godine sa početkom od 10:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije po lotovima od 23.09.2021.godine vidljivo je rangiranje ponuđača na konačnoj rang listi ponuđača koji su učestvovali u E-aukciji, te je Komisija na osnovu Izvještaja o toku i završetku E-aukcije po lotovima od 23.09.2021.godine izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda kako slijedi:

1. R&S doo Sarajevo
2. KING doo Doboj
3. DIGITARIJA doo Sarajevo

Komisija je kod ocjene ponuda takođe utvredila da:

Ponuda ponuđača ELUR doo Kiseljak nije formalno ispravna naime tačkom 2.3. tenderske dokumentacije traži se da se uz ponudu dostavi „obična kopiju Potvrde banke (ne starija od 30 dana, u odnosu na datum podnošenja ponude) kod koje ponuđač ima otvoren Glavni račun za poslovanje (na potvrdi naznačiti da se radi o glavnom računu za poslovanje), da račun nije blokiran u posljednja 3 (tri) mjeseca“, a ponuđač je uz tendersku dokumentaciju dostavio kopiju potvrde koja je izdata od UniCreditBank dana 22.06.2021.godine o solventnosti ponuđača, što je u suprotnosti sa tačkom 2.3 tenderske dokumentacije;

Ponude ponuđača INTER-COM doo Zenica, UNILAB doo Sarajevo i PRINTEX doo Sarajevo nisu formalno ispravne naime tačkom 2.4.1. a) tenderske dokumentacije traži se da se uz ponudu dostavi „dokument koji sadrži detaljan opis ponuđene opreme po stavkama iz Obrazca za cijenu ponude ovjeren i potpisan od strane dobavljača“, a ponuđači uz ponudu nisu dostavili dokumente na način i sa sadržajem traženim tenderskom dokumentacijom.

Ponuđač INTER-COM doo Zenica uz ponudu nije dostavio je dokument tražen tačkom 2.4.1. a) tenderske dokumentacije.

Ponuđač UNILAB doo Sarajevo dostavio je potvrdu potpisanu od strane ponuđača broj:HŠ-758-1/21 od 13.09.2021.godine kojom garantuje isporuku robe po ponudi koju je dostavio, te budući da smatra da i njihovi dobavljači imaju ovlaštenje da takođe koriste samo kataloge sa zvanične web stranice moli da se ta potvrđka prihvati kao zamjenski dokument za dokument koji je tražen tačkom 2.4.1. a) tenderske dokumentacije, za što ugovorni organ nije imao osnova.

Ponuđač PRINTEX doo Sarajevo uz ponudu dostavio je dokument na tri stranice koji ne sadrži zaglavlje ponuđača i nije ovjeren i potpisan od strane dobavljača kako je to predviđeno tačkom 2.4.1. a) tenderske dokumentacije.

Ponuda ponuđača AS COM doo Tešanj nije formalno ispravna naime tačkom 2.3. tenderske dokumentacije traži se da se uz ponudu dostavi „obična kopiju Potvrde banke (ne starija od 30 dana, u odnosu na datum podnošenja ponude) kod koje ponuđač ima otvoren Glavni račun za poslovanje (na potvrdi naznačiti da se radi o glavnom računu za poslovanje), da račun nije blokiran u posljednja 3 (tri) mjeseca“, a ponuđač je uz tendersku dokumentaciju dostavio ovjerenu kopiju potvrde koja je

izdata od Sparkasse Bank dana 22.06.2021.godine o solventnosti ponuđača, što je u suprotnosti sa tačkom 2.3 tenderske dokumentacije;

Takođe ponuda ponuđača nesadrži tehničku specifikaciju proizvođača opreme odnosno odnosno dokument predviđen tačkom 2.4.1. pod b) tenderske dokumentacije;

Ponuda ponuđača IMTEC doo Sarajevo nije formalno ispravna naime ista nesadrži tehničku specifikaciju proizvođača opreme odnosno odnosno dokument predviđen tačkom 2.4.1. pod b) tenderske dokumentacije.

Ponude ponuđača ELUR doo Kiseljak, INTER-COM doo Zenica, UNILAB doo Sarajevo, PRINTEX doo Sarajevo, AS COM doo Tešanj i IMTEC doo Sarajevo su u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom načelniku Općine Tešanj (Zapisnik o pregledu i ocjeni ponuda broj: 08-11-3-3144-17/21 od 27.09.2021. godine), da se u predmetu javne nabavke roba "Nabavka IT opreme za potrebe partnerskih mjesnih zajednica u projektu „JUMZ UNDP”, donese Odluka o izboru najpovoljnijih ponuđača i da se kao najbolje ocijenjena prihvatljiva ponuda za robe izabere, ponuda ponuđača R&S doo Sarajevo, kako je to navedeno u tački 1. ove odluke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač iz tačke I ove Odluke, u skladu sa cijenom navedenom u ponudi i Izvještaju sa E-aukcije.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

#### Doostavljeno:

1. Ponuđači x 9,
2. Služba za društvene djelatnosti i investicije,
3. Web stranica općine Tešanj, elektronski,
4. Predmet.

*Handwritten signature*



OPĆINSKI NAČELNIK

*Handwritten signature*  
mr.sci. Suad Huskić

